



Indgået

- 6 FEB. 2017

Justus Hansen
Randi Vestergaard Evaldsen
Demokraatit

NAMMINEHSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37-mi apeqquteqaat nr. 2017/11-mut akissut

Asasakka Justus Hansen aamma Randi Vestergaard Evaldsen,

06-02-2017
Sags nr. 2017-2917
Dok. nr. 4504529

Inatsisartut suleriaasiat §37 imm. 1 malillugu Naalakkersuisunut
Inuussutissarsiomermit, Suliffeqarnermut, Niuernermit, Nukissiuuteqarnermut
Nunanullu Allanut Naalakkersuisup oqaaserisimasai pillugit apeqquteqaateqarsimavusi.
Apeqquteqaatit uannut akisassanngorlugit innersuunneqarsimapput.

Postboks 1340
3900 Nuuk
Tlf. (+299) 34 50 00
Fax (+299) 32 93 98
E-mail: nap@nanoq.gl
www.naalakkersuisut.gl

Tulliuttumi akissuteqaatissami apeqqutigineqartut tullerriaarlugit akineqassapput.

Apeqqut:

1. Suna pissutaava Naalakkersuisut Politikenimut Nunatsiaq Newsimullu
piumasaqarsimanninnerannut ilumuunnginneraaqqullugit, paasineqarmat
Nunanut Allanut Naalakkersuisoq issuarnerlunneqarsimasoq?

Akissut:

12. aamma 13. December 2016 Quebecimi Canadamiittumi Arctic Circle
Forumip ammarneqarnerani Quebecip Premierministeria Philippe Couillard,
kiisalu Arctic Circlep siulittaasua Islandip Præsidenterisimasaa Ólafur Ragnar
Grimsson peqatigalugit ammaanersiornermi oqalugiartuullunga peqataavunga.

Oqalugiaat canadamiut amerikamiullu politikkikkut aqutsisuinut, pingaartumik
inuussutissarsiutitigut aatsitassarsiornikkullu annertunerusumik
suleqateqarnissamut ujartuinerimik imaqarpoq.

Oqalugiaat tuluttut ingerlanneqarpoq, Naalakkersuisullu nittartagaannut
decemberip 14-anni 2016 ikkunneqarsimavoq. Kingusinnerusukkut kalaallisut
qallunaatullu nutserneqarsimavoq, taakkulu oqaatsit atorlugit Naalakkersuisut
nittartagaanni decemberip 20-anni 2016 tamanit takuneqarsinnaanngorlugit
ikkunneqarsimallutik.

Nunatsiaq Onlinemit apersorneqarsimanngilanga oqaloqateqarsimananga-
luunniit, taamaattumik oqalugiaammi taaneqartumi oqaaserisimasakka uanga
kisima akisussaaffigisinnaavakka.

Nunatsiaq Onlinemi allaaserisami ilaatigut ICC pillugu oqaaserisimasannik
aammalu Donald Trumpip USA-mi præsidentitit qinigaaneranut tunngasunik
issuarneqarpunga, Arctic Circle Forumimi oqalugiaatinni aallaaveqanngitsumik.

Nunatsiaq Onlinemi aallaaserisap imarisaata, aammalu uanga oqalugiaatima
imarisaata naapertuutinninneri tunngavigalugu, Nunanut Allanut Pisortaqaarfik

15. december 2016-imi allakkatigut Nunatsiaq Online uparuarpa, allaaserisaq oqalugiaatip imaqarneranut eqqunngitsumik saqqummiussisoqarmat. Tamatuma kingorna 16. december 2016 Nunatsiaq Onlinep erseqqissaaneq tamanut saqqummiuppaa, issuaaffigineqartut naqqiuteqarfigalugit, oqalugiaatillu imarisavia taarsiullugu innersuussutigalugu.

Inatsisartut Nunanut Allanut Sillimaniarnermullu Ataatsimiititaliaat qulaani eqqartorneqartut pillugit decemberip 16-anni 2016 isumasioqatigiinnermi ilisimatinneqarput.

Politikenimi eqqaaneqartoq apersorneqarsimaneq pillugu ilumoorpoq Politikenimi tusagassioortumit Adam Hannestadimit decemberip arfineq aappaanni 2016 ilaatigut Camp Century Pituffillu pillugit apersuisoqarpoq. Allaaserisaq, apersorneqarnermik tunngavigartoq, ataasinngornermi decemberip aqqaneq aappaanni 2016 saqqummiunneqarpoq.

Inatsisartut Nunanut Allanut Sillimaniarnermullu Ataatsimiititaliaat apersorneqarnermi eqqartorneqartut pillugit decemberip 16-anni 2016 isumasioqatigiinnermi aamma ilisimatinneqarput.

Politikenimi allaaserisaq pineqartoq pillugu pisariaqartissimanngilara allanngortitsisoqassasoq imaluunniit aallaatigisamik ilumuunnginneraasoqassasoq. Erseqqissaassutit allaaserisami saqqummiukkusutakka Naalakkersuisut Siulittaasuata § 37-mi apeqqut nr. 2016/27-mut akissutaani tamanut saqqummiunneqareerput.

Apeqqut:

2. Naalakkersuisut uppersarsinnaanerlugu ilumut Nunanut Allanut Naalakkersuisoq issuarnerlunneqarsimasoq immiussat assigisaaluunniit aqqutigalugit? Imaluunniit Nunatsiaq News aamma Politiken attavigilersaarneqarpat paasiumallugu immiussanik peqarnerisut uppersaataasinnaasunik ilumut Nunanut Allanut Naalakkersuisoq issuarnerlunneqarsimasoq?

Akissut:

Nunatsiaq Online eqqarsaatigalugu qulaani apeqqut 1-mi akissutigineqartunut oqaaseqaatikka innersuussutiginnassavakka

Nunatsiaq Online Nunanut Allanut Pisortaqrarfiup naqqiissuteqaqquserernerata kingorna novemberip 16-anni 2016-mi allaaserisaminni kukkuluttorsimanertik pissutigalugu erseqqissaassummik naqqiuteqarput. Naqqiutaasimasoq nittartakkami uani takuneqarsinnaavoq:

<http://www.nunatsiaqonline.ca/stories/article/65674clarification1/>

Politikenimi ilaatigut Camp Century Pituffillu pillugit apersuisoqarneq eqqarsaatigalugu, qulaani apeqqummut 1-imut akissutigisanni oqaaseqaatikka innersuussutigissavakka.

Allaaserisamut sunniuteqarsimanngilanga. Taannami tusagassiortup nammineerluni akisussaaffigalugu allatarimmagu.

Taassuma saniatigut ilisimatitsissutigisinnaavara Inatsisartut Nunanut Allanut Sillimaniarnermullu Ataatsimiititaliaat qulaani eqqartorneqartut pillugit decemberip 16-anni 2016 isumasioqatigiinnermi ilisimatinneqareerput. Isumasioqatigiinnerullu naammassinerani apersorneqarnermi eqqartorneqartumut takussutissiamik tamarmiusunik qallunaatumik kalaallisut nutserneqarsimasumik, Ataatsimiititaliami ilaasortat tunineqarput.

Apeqqut:

3. Naalakkersuisut pilersaaruteqarnerlutik danskit naalagaaffiannut saaffiginninniarlutik tamakkiisumik uppersartikkumallugu imaluunniit ilumuunnginnerartinniarlugu Danmark NATO-mit ilanngaaffigineqartartoq USA-p Pituffimmi sakkutooqarfeqarnera pissutaalluni (Thule Air Base). Akissut tungavilersugaq perusuppara.

Akissut:

USA-p Pituffimmiinnera pissutigalugu Danmark NATO-mi immikkut akikillisaavigineqartarnerisut uppersartinniarlugu imaluunniit ilumuunnginnerartinniarlugu Naalakkersuisut danskit naalagaaffiannut saaffiginnissuteqarnissamik pilersaaruteqanngillat.

Ilisimavara Folketingimi ilaasortap Aaja Chemnitz Larsenip novemberip 25-anni 2016 Nunanut Allanut Ministerimut imaattumik apeqquteqarsimasoq:

"Danmarkip illersornissamut BNP-mi 1,17 pct-ia atortarpaa, tamannalu NATO-p innersuussutaanut illersornissamut nunat ilaasortaasut BNP-p 2 pct.-ianik atuinissamut akiliuteqartarnissaannut eqquutsitsinngilaq. Taamaattumik amerikamiut Pituffimmiititsinerminni Danmark oqaluttuarisaanikkut, maannakkullu aningaasatigut iluanaarfigisarneraa ministerimit oqaaseqarfigeqqugaluarpara."

Tassungalu Nunanut Allanut Ministeri novemberip 16-anni 2016 ima akissuteqarpoq:

"Danmark NATO-p ataatsimoortumik aningaasalersugaannik missingersuutinik akileeqaasarpoq, taakkulu ilaatigut NATO-p ingerlanneqarneranut aaqqissuussaananullu atorneqartrput. Danmark-ip akiliuteqartarnera akiliisarnissamik agguataarisimanermi aaqqissuussineq aallaavigalugu akiliisarpoq, tassanilu nunat illersoqatigiit BNP-at aallaavigalugu inissinneqartarluni. USA-p Kalaallit Nunaanniititaqartitsineranut NATO-mut atatillugu Danmark arlaannaatigulluunniit aningaasatigut pitsaanerusumik inissimatinneqanngilaq. Allatut oqaatigalugu NATO-mi 2 pct. anguniagaasoq amerikamiullu Kalaallit Nunaanniititaqartitsinerat imminnut attuumassuteqanngillat."

Apeqqut:

4. Naalakkersuisut danskit naalagaaffiannut saaffiginnilersaarnerlutik paasiumallugu danskit naalagaaffiata USA-p Pituffimmiinnera (Thule Air Base) toqqaannartumik aningaasannassutigisarneraa. Akissut tunngavilersugaq perusunneqarpoq.

Akissut:

USA-p Pituffimmiinnera pillugu danskit naalagaaffiata toqqaannartumik aningaasatigut isertitsissutaasarnersoq paasiniallugu Naalakkersuisut danskit naalagaaffiannut saaffiginnissuteqarniarlutik maanna pilersaaruteqanngillat.

Illersornissamut Isumaqatigiissut 1951-imeersoq kingusinnerusukkullu ilassuteqarfigineqartoq, USA-llu Pituffimmi sakkutooqartitsineranut aaqqiiviusoq, aalajangersimaqqissaartumik piumasaqaatitaqarpoq danskit/kalaallit tuniniaasuinut kiffartuussinissaannullu pisinissamik. Aningaasat taakku annertussusaat Naalakkersuisut ilisimaqqissaarpat, taakkumi aningaasat annertussusaat ukiumoortumik USA-mit Danmark/Kalaallit Nunaannut nalunaarusiarineqartarmata.

Inussiarnersumik Inuulluaqqusillunga
Med venlig hilsen

Vittus Qujaukitsoq

4. Naalakkersuisut danskit naalagaaffiannut saaffiginnilersaernerlutik paasiumallugu danskit naalagaaffiata USA-p Pituffimmiinnera (Thule Air Base) toqqaannartumik aningaasannassutigisarneraa. Akissut tunngavilersugaq perusunneqarpoq.

Akissut:

USA-p Pituffimmiinnera pillugu danskit naalagaaffiata toqqaannartumik aningaasatigut isertitsissutaasarnersoq paasiniallugu Naalakkersuisut danskit naalagaaffiannut saaffiginnissuteqarniarlutik maanna pilersaaruteqanngillat.

Illersornissamut Isumaqatigiissut 1951-imeersoq kingusinnerusukkullu ilassuteqarfigineqartoq, USA-llu Pituffimmi sakkutooqartitsineranut aaqqiiviusoq, aalajangersimaqqissaartumik piumasaqaatitaqarpoq danskit/kalaallit tuniniaasuinut kiffartuussinissaannullu pisinissamik. Aningaasat taakku annertussusaat Naalakkersuisut ilisimaqqissaarpaat, taakkumi aningaasat annertussusaat ukiumoortumik USA-mit Danmark/Kalaallit Nunaannut nalunaarusiarineqartarmata.

Inussiarnersumik Inuulluaqqusillunga
Med venlig hilsen


Vittus Qujaukitsog